

عمومیتی اعتباریله فنونه دائر رساله ادبیه در

آیده درت کره اولدوق جمعه ابرتسی کونلری چیقار

پنانلی سید محمد سعید افندیکن چین ممالکنه دائر  
ویردیکی بعض معلومات

چینلور یالکز کندولرینی انسان و تمدن عد ایدوب هر نه  
جنس و ماتدن اولور ایسه اولسون ممالک ساثره اهالیسنه  
( فان کوی ) یعنی شیطان خارجی دیرلر و بر اجنبی کوردکلرنده  
غایت استغراب و بلکه توحش ایدرلر و حتی بعضلری بر  
اجنبی ید راست کلدکلری وقت انی کورمک استیوب یوزلرینی  
چویرلر یا خود بر طرفه صاوشورلر راوی دیر که قانطونده  
بولندیغم ائاده بر قاج دفعه بغته بعض یرلورله یاقلاشدیغمده  
کویا بر یرتیجی حیوان کورمش کی تیره یوب قاجدیلر .

چینلورک مسلمانلری دخی اجنبی مسلمانلره ینسه ( فان کوی )  
دیورلر . قانطونده چین علای اسلامدن الفت ایش اولدیغم  
بر ذات بنم ایچون دخی اول وجهله شیطان خارجی دیدیکی  
ایشتم افندم سزک کی عبادن بر ذاتک کندو همذهبی حقنده  
بو تعبیری استعمال ایتک یاقشورمی دیو عتاب ایتدیگمده بن  
معنای لئویسنی مراد ایتدم سزی بشقه امم ایله ذکر ایدهجک  
اولسدم کیسه اکلامز دیو اعتذار ایادی .

چینلور دنیایی همان کندولرندن عبارت بیلوب ممالک

سائرہی غایت جزوی و حقیر عد ایدرل حتی خریطہ لرنده  
چینی غایت وسعتلو کوسرتوب دیگر مملکتلری انک اطرافنده  
پک کوچک اوله رق و مواقع جغرافیہ لرنه قطعاً باقیہ رق رسم  
ایدرل واجتبیئرک ترک دیار ایله چینہ کلرینه تعجب واوروبا-  
لولرک اوراجہ کوریلان تسلطلرنه حدت ایدرک بهی آدملر  
بریکرده صومی چیقدی یوقسه سزی مملکتکزدن برطرد ایدنی  
وار نیچون بورایہ قدر کلوب بزی ازعاج ایدیورسکز بزهیچ  
بروقتنده یکدوب سزی راحتسز ایتدیکز واری دیو لسان حال  
وقال ایله انلره عتاب ایدرل .

چین اسکلہ لرندن شانغایده یاریم میل قدر محل انکلیر و بر  
میل قدر فرانسز وایکی میل قدر ممالک مجتمعه آمریکا جهوری  
تصرفنده اولوب هر بری کندو مملکتنده حکومت ایدر واشبو  
اراضی بری برینه متصلدر بونلرک برنده پولتیقه و امور عدلیه جه  
متمم اولنلر همان دیگرینه پکوب تخلیص کریان ایدرل و بوندن  
طولای حکومات ثلثه مذکوره یشنده اختلاف و نزاع اکسک  
اولز . شانغایده انکلیر یدنده بولنان محله برجامع شریف  
اولوب دیگر لرنده یوقدر .

چین سواحلنده قانطون جوارنده واقع هونقسون جزیره  
صغیره سی دخی انکلیرک تحت تصرفنده در اوراده برچوق اهل  
اسلام اولوب برجامع شریف دخی واردر .

قانطونک بر ساعت خارجنده محابه کر آمدن وقاصی حضر-  
تلرینک قبر شریفی واردر که بر بیوک زیارتگاهدر چین اسلامی  
کندی لهجه لری اقتضاسجه وقاصی تحریف ایدرک ( واتفاز یابا )

دیورلر واوراده یرلی واجنبی کبار اهل اسلامدن بر چوق  
ذواتک قبرلری دخی واردر .

چینه علی العموم اسلام مزارلری محوس مزارلری کییدر .  
بودخی بالقی صرتی شکلنده زمیندن مرتفع اولوب باش طرفنده  
قبر ارتفاعنده مزار طاشی وضع اولنور .

چینه موتا الک نفیس البسه لریله دفن اولوب اغزلیسه  
برده التون قورلر . بوندن مراد کویا منکر ونکیبر کلدیکی  
وقت ووروب قبر سؤال وغذا بندن قورتلیق ایمنش . اغیا  
جنازه سنک تابوتی ایچنه برچوق آقیه ایله برابر متوفانک سلاح  
ویازی طاقی وچوق ودیکر بعض اشیا سنی دخی وضع ایدرلر  
و بوندن بشقه قبرک اوزرنده اخشابدن برکوچک معبد انشاسیله  
تقریش و تزین ایتدکدن وبرکیجه درونده اجرای آیین اولندقدن  
صکره احراق اولنور و بونلر هیئت اصلیه لری اوزره میتک  
روحنه واصل اولور اعتقاد ایدرلر .

برده کویا کندیسنه خدمت ایتک اوزره خارجدن ایکی فقرا  
جنازه سنک کییکلرینی طویلایوب وایکی بیوک چینی کاسه ایچنه  
قویدرق برینی قبرک باش جهته صاغ طرفه و دپکرینی صول  
طرفه دفن ایدرلر بونلرک خارجده علامتلی دخی کوسه تریلور  
وقبرک ایاق طرفنده زمیندن براز مرتفع برمصلا یاییلوب هر  
سنه شهر الارواح تسمیه ایتدکلی برماه ائناسنده میتک اقربا  
ومتعلقاتی قبرک اوزرنده موملر وعود اغاجی یاقدرق سجده  
و بکا ایدرلر .

بومراسم و تکلفات هپ یاشلی آدمله مخصوص اولوب حالا  
چوجقلر یاخود هنوز تأهل ایتماش دکور و نسا ایچون اقتضا

ایمز . بونلرک جنازهلری ساده جده وتکلفسنرجه دفن اولنور  
و بعده منسوب اولدقلری بیوکلر وفات ایتدکده قبرلری اشیلوب  
بقیه نعللری برقاب ایچنه قونیلهرق انلرک اطرافنه دفن اولنور  
و بووجهله برخانه خلقی وخدمتکارلری عالم حیاتهده اولدقلری  
کی کویا اخرتهده دخی تجمع ایدرلر .

چینلورک اعتقادینه کوره جملهسی عالم عقباهده خاقان زمانلرینک  
شفاعتنه محتاج اولوب بناء علیه دنیاده حسن رضاسنک تحصیلی  
دخی اخرت عد ایدرلر ومعدلرنده مخصوص برعحراب اوزرینه  
خاقانک اسمنی انتون حروف ایله یازوب اطرافنی انتون چیچکلرایله  
تزیین ایدرلر وهر وقت پیشکاهنده عود وعنبر یاقرلر . معبد  
کیبرنلر اول امرده بوکا سجده ایدوب اندن صکره مراسم  
دینیهی اجرا ایلرلر . پایتخت چین اولان پکین شهرنده خاقانک  
سرای قبله اولوب بالجلله ولایتلرنده دخی شهر مذ کوره توجه  
ایدرلر .

جوامع شریفهده دخی بویله اوزرنده خاقانک اسمی یازیلی  
برعحراب وار ایسهده اهل اسلام بالطبع اکا سجده ایتمزلر .  
بالجلله محوس خاندهلرنده برعحرايه برتصویر اولوب هر کون  
اوقات معلومهده اکا قارشواجرای آیین ایدرلر اسلام خاندهلرنده  
دخی تصویرسن بر عحراب اولوب اوزرنده جلی چین یازیسيله  
ککتن شهادتین واسماء حسنی یازیلیدر . و بونلرک ایچنده دخی  
عربی حروف ایله بعض آیات قرآنیه واحادیث شریفه تحریر  
اولنور .

چینلورک جنازه الایلی زیاده مکلف ومظنطن اولوب  
معتبران تابوتلری برقاچ یوز کشیلر اوموزلرنده قالدیرلر .

تا بوقت اوزرینه جنازه از کت ایسه بر اژدرها وقادین ایسه  
بر قوش رسمی وضع ایدرلر و بر قاج ادم بوییده اغاج و کاغددن  
شکل عجیبده بر انسان هیکلی یاپوب و یا قلینک الته تکرلکلر  
طاقوب جنازه نک اوکنده چکرلر و بوکا اعتقادلرنجه ملک  
الموت درلر .

جنازه نک اولاد و برادر و زوجده سی کبی یقین اقرباری علامت  
ماتم اوله رقی بر نوع حصیردن لباس کیوب اوزاقجه اقرباری  
واحباسی دخی بیاض البسه تلبس ایدرلر چونکه چینده ماتم  
رنکی بیاضدر . جنازه نک بالمله اقربا واحباسی هیئت اصلیده سی  
اوزره شمش دوموزلر و قیونلر و طاوقلر و دیگر حیوانلر  
کوندروب بونلر جنازه نک اوکنده طابلهلر اوزرنده صاغ کی  
قائماً وضع اولنوب هر برینک اوزرینه دخی مخصوص بیراقلر  
دیگرلر . ارککلر جنازه نک اراسنده کیدوب بونلر ارقه سنده  
دخی قادینلر کیدرلر .

جنازه نک زوجده سی یا خود والده و همشیره سی الارنده بر  
بیراق اولدیغی و دیگر بعض قادینلر انی قولتوقدن طوتدقلری  
حالده کیدرلر . بو صورتله قبرستانه واریلوب جنازه دفن  
اولندقدن صکره ارککلر بر طرفده و قادینلر بر طرفده مذکور  
حیوانلری اکل و فقرایه تصدق ایدرلر . ( منیف پاشا )

بری طوز دیکری سونکر حوله لی ایکی اشک  
( لافونتن )

براشکچی اوکی صره ایکی خر  
بری طوز یوکلای دیکری سونکر